

ԱԿԱԳԵՄԻՈՍ Ս. Տ. ԵՐԵՄՅԱՆ

(Մենդյան 60-ամյակի առթիվ)

Բոլորեց Հայկական ՍՍՀ գիտությունների ակադեմիայի ակադեմիկոս, գիտության վաստակավոր գործիչ, պատմական գիտությունների դոկտոր, պրոֆեսոր Սուրեն Տիգրանի Երևմյանի 60 տարին:

Ականավոր սովետահայ պատմաբանը մեծ ներդրում է արել հայ ժողովրդի հին և միջնադարյան պատմության ուսումնասիրման բնագավառում: Նա է բացահայտել ու հետազոտել հին Հայաստանի հասարակարգը: Հետևելով նախասովետական շրջանում ստեղծված տեսակետին, սովետական պատմաբանները նախապես ֆեոդալական կարգեր էին փրագրում հին Հայաստանին, շտարբերելով այդպիսով նրան սոցիալ-տնտեսական առումով միջնադարյան Հայաստանից: Ս. Երևմյանը պատմական, հնագիտական, ազգագրական, լեզվական և ուրիշ բազմաթիվ նյութերի հիման վրա ցույց տվեց, որ հին Հայաստանում գոյություն են ունեցել այլ, այն է՝ ստրկատիրական կարգեր, որոնց ընդերքում էլ կազմավորվել է հետագայում հաղթանակած ֆեոդալիզմը: Ս. Երևմյանի հետազոտությունները լուսարանում են, այսպիսով, նաև Հայաստանում ֆեոդալիզմի ծագման խնդիրը:

Մեծ նշանակություն ունեն նաև միջնադարյան Հայաստանի պատմության խնդիրներին նվիրված նրա աշխատությունները: Ս. Երևմյանը վրաց պատմության և վրացերենի փայլուն գիտակ է, և այս հանգամանքը իր դրոշմն է դնում նրա՝ միջնադարին նվիրված հետազոտությունների վրա. դրանց մեջ հանգամանորեն լուսարանվում են հայ և վրաց ժողովուրդների միջև գոյություն ունեցած բազարական ու տնտեսական սերտ առնչությունները, նրանց փոխազդեցությունը և որոշ պատմական փոփոխում միասնական պարզացման հանգեցնող նրանց փոխադարձ կապերը:

Ս. Երևմյանի պատմական ուսումնասիրությունների առանձնահատկություններից մեկն է աշխարհագրական նյութերի լայն և հմուտ օգտագործումը: Այդ նյութը, որին սովորաբար սոսկ օժանդակ դեր է հատկացվում, բառացիորեն սողորում է Ս. Երևմյանի հետազոտությունները և ծառայում կարևորագույն հարցերի ու պրոբլեմների պարզաբանման: Ցույն օրինակ է հայ ժողո-



վրրդի ծաղման պրոբլեմը, որն իր հետաքրքրական լուծումն է ստացել Ս. Երևմ-
յանի մի շարք աշխատություններում:

Ս. Երևմյանի դործունեության առանձին և առավել փայլուն ընդգավառն է հանդիսանում Հայաստանի և Կովկասի պատմական աշխարհագրությունն ու քարտեզագրությունը Այստեղ Ս. Երևմյանը եղակի մասնագետ է. նա կազմել է հարյուրավոր քարտեզներ, որոնցում արտացոլվել են նրա պատմա-աշխարհագրական իսկապես որ անդուգական գիտելիքները Ս. Երևմյանի՝ պատմական աշխարհագրության հարցերին նվիրված հետազոտությունները և կազմած քարտեզները իսկական հեղաշրջում են հայտանշում հայագիտության այդ մարդում, և հասցրել են այն համաշխարհային գիտության նվաճումների բարձրագույն մակարդակին: Հատկապես պետք է նշել նրա «Հայաստանը ըստ «Աշխարհացոյց»-ի աշխատությունը, որը հրատարակվելուց պես անհրաժեշտ դարձավ յուրաքանչյուր հայագետի, Այդ դրքին ու նրան կից քարտեզին են դիմում այսօր ոչ միայն պատմաբաններն ու աշխարհագետները, այլև բանասերները, ազգագրագետները, լեզվաբանները, կենդանաբանները, երկրաբանները, բուսաբանները և այլք, հարուստ նյութ գտնելով այնտեղ իրենց ուսումնասիրությունների համար: Այդ դրքում լուսաբանված են նաև պատմական Հայաստանում աշխարհագրական գիտության զարգացման ուղիները, հատկապես հայկական պատմա-աշխարհագրական ավանդույթի սերտ կապը անտիկ աշխարհագրության հետ:

Ս. Երևմյանի աշխատությունները բարձր համարում ունեն Սովետական Միության մեջ. հազիվ թե գտնվի այնպիսի մի ընդհանրացնող հրատարակություն, որի մեջ օգտագործված չլինեն նրա տեքստերը կամ քարտեզները, այն էլ ոչ միայն Հայաստանի, այլև հարևան երկրների վերաբերյալ: Դրանցից են օրինակ, «Համաշխարհային պատմություն», «ՍՍՀՄ պատմության ակնարկներ», «Կովկասի ժողովուրդները», «Պատմական հանրագիտարան» հրատարակությունները: Քաջ հայտնի են Ս. Երևմյանի գործերը նաև արտասահմանում: Նա ներկայացրել է սովետական գիտությունը արևելագետների 23-րդ և 25-րդ միջազգային համագումարներում, բյուզանդագետների 13-րդ միջազգային համագումարում և այլն:

Մեծ են Ս. Երևմյանի ծառայությունները նաև գիտակազմակերպչական ընդգավառում: Մի շարք տարիներ նա եղել է ՀՍՀՄ ԳԱ պատմության ինստիտուտի գիրեկտոր և նույն ինստիտուտի հին և միջնադարյան պատմության սեկտորն է ղեկավարել: Նրա հատուկ ներդրումն այս ընդգավառում Հայաստանի հին և միջնադարյան պատմության բարձրորակ մասնագետների դաստիարակումն է, մասնագետներ, որոնց տեսական ու լեզվական գիտելիքների բարձր մակարդակը հնարավորություն է տալիս մերձեցնել հայ ժողովրդի պատմության ամենաբարդ խնդիրներին, սպառիչ կերպով ներդրավելով գոյություն ունեցող սկզբնաղբյուրները՝ իրենց լեզուներով:

Ս. Երևմյանը կենսական և գիտական լայն շահագրգռությունների տեր անձնավորություն է: Նրա անձնական հատկությունները՝ համեստությունը, օգնելու, օժանդակելու պատրաստակամությունն ու կարողությունը, նրա հոգատարությունը երիտասարդ կադրերի նկատմամբ—այս բոլորը հիմք են այն սիրտ և հարգանքի, որ վայելում է նա մեր հասարակայնության մեջ:

Ս. Երևմյանը իր ստեղծագործական ուժերի ծաղկման շրջանում է: Սովետական գիտությունը գեղեցիկ շատ սպասելիքներ ունի նրանից: